

Anno 1702

S. RONVALDVS ABBAS







1765



D I E XVIII. J U L I I.

I N F E S T O

S. CAMILLI DE LELLIS CONFESSORIS,

Clericorum Regularium MINISTRANTIUM INFIRMIS
Fundatoris.

• *Introitus.*

Joann. 15.



Ajorem hac dilectionem nemo habet, ut animam suam ponat quis pro amicis suis. *Psalmus 40.* Beatus qui intelligit super egenum & pauperem:

in die mala liberabit eum Dominus. *Ps. Gloria Patri, &c. Oratio.*

DEus, qui sanctum Camillum, ad animarum in extremo agone luctantium subsidium, singulari charitatis prerogativa decorasti: ejus, quaesumus, meritis Spiritum nobis tuae dilectionis infunde; ut in hora exitus nostri hostem vincere, & ad caelestem mereamur coronam pervenire. Per Dominum, in unitate ejusdem.

Pro SS. Symphorosa & septem Filiis Martyribus. Oratio.

DEus, qui nos concedis sanctorum Martyrum tuorum, Symphorosae & filiorum ejus, natalitia colere; da nobis in aeterna beatitudine de eorum societate gaudere. Per Dominum.

Tertia Oratio. A cunctis, vel, Concede quaesumus.

Lectio Epistolae beati Joannis Apostoli.

1. Joann. 3. b

Charissimi, Nolite mirari, si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte: omnis qui odit fratrem suum, homicida est. Et scitis quoniam omnis homicida

non habet vitam aeternam in semetipso manentem. In hoc cognovimus charitatem Dei, quoniam ille animam suam pro nobis posuit: & nos debemus pro fratribus animas ponere. Qui habuerit substantiam hujus mundi, & viderit fratrem suum necessitatem habere, & cluserit viscera sua ab eo: quomodo charitas Dei manet in eo? Filiioli mei, non diligamus verbo neque lingua, sed opere & veritate.

Graduale. Psalm. 36. Os justi meditabitur sapientiam, & lingua ejus loquetur judicium. *Ps. Lex Dei ejus in corde ipsius: & non supplantabuntur gressus ejus. Alleluja, alleluja.*

Ps. Psalm. 111. Beatus vir, qui timet Dominum: in mandatis ejus cupit nimis. Alleluja.

In Missa votiva post Septuagesimam, omittis Alleluja & Versu sequenti, dicitur Tractus. Psalm. 111. Beatus vir, qui timet Dominum: in mandatis ejus cupit nimis.

Ps. Potens in terra erit semen ejus: generatio rectorum benedicetur.

Ps. Gloria & divitiae in domo ejus: & justitia ejus manet in saeculum saeculi.

Tempore Paschali omittitur Graduale, & ejus loco dicitur, Alleluja, alleluja.

Ps. Ibidem. Beatus vir, qui timet Dominum: in mandatis ejus cupit nimis. Alleluja.

Ps. Osee 14. Justus germinabit sicut liliolum: & florebit in aeternum ante Dominum. Alleluja.



Se-



Sequentia sancti Evangelii secundum Joannem. Joann. 15.

IN illo tempore: Dixit Jesus discipulis suis: Hoc est praeceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quae ego praecipio vobis. Jam non dicam vos servos: quia servus nescit quid faciat Dominus ejus. Vos autem dixi amicos: quia omnia quaecumque audivi a Patre meo, nota feci vobis. Non vos me elegistis: sed ego elegeri vos, & posui vos ut eatis, & fructum afferatis; & fructus vester maneat: ut quodcumque petieritis Patrem in nomine meo, det vobis.

Offertorium. Psalmus 20. In virtute tua Domine laetabitur Justus, & super salutare tuum exultabit vehementer: desiderium animae ejus tribuisti ei.

Secreta.

Hostia immaculata, qua illud Domini nostri Jesu Christi immensa Charitatis opus renovamus, sancto Camillo intercedente, sit contra omnes corporis & animae infirmitates salutare remedium, & in extremo agone solatium & tutela. Per eundem Dominum nostrum.

Pro SS. Symphorosa & septem Filiis Martyribus. Secreta.

Munera tibi, Domine, nostrae devotionis offerimus: quae & pro tuorum tibi grata sint honore justum, & nobis salutaria, te miserante, reddantur. Per Dominum.

Secreta. Exaudi nos Deus, vel, Oblatis, Domine, placare.

Communio. Matth. 25. Infirmus fui, & visitastis me: Amen, amen dico vobis: quamdiu fecistis uni ex his fratribus meis minimis, mihi fecistis.

Postcommunio.

Per haec caelestia alimenta, quae sancti Camilli Confessoris tui solemniter celebrantes pia devotione suscepimus, da, quaesumus Domine: ut in hora mortis nostrae, Sacramentis refecti, & culpis omnibus expiati, in sinum misericordiae tuae laeti suscipi mereamur: Qui vivis & regnas &c.

Pro SS. Symphorosa & septem Filiis Martyribus. Postcommunio.


Præsta nobis, quaesumus Domine, intercedentibus sanctis Martyribus tuis, Symphorosa & filiis ejus: ut quod ore contingimus, pura mente capiamus. Per Dominum nostrum Jesum Christum Filium tuum, &c.

Postcommunio. Mundet & muniat, vel, Sumpsimus, Domine, beatæ Mariæ.

s tui
súp-
fan-
s &
tóres
Qui

dinis,
discopi
a, &
eri Ur-
s No-
ni &
Sancto
tificis
ia Sa-
Mar-
1767.
Regno
onicas
Ritu
in serà

S
:
il
exo
Q
up
l
cu
tu
dic
n
on
tu
des
n
G









Biblioteka Jagiellońska



stdr0031890



